



C5370

蘊懷閣詩集卷第七

乙亥

人日後三日汪厚夫侍御與耐山司馬彥國招同

楊叔温明經雲璈畢季瑜彭甘亭集飲小瑯嬛分

得五言古體一首限鳥字

西城小瑯嬛十笏遠塵擾賢主合兩美照膽明月皦咬春

開辛盤掃徑讌朋好初治茗盞潔旋鬪詩牌巧寒英透檐

角香氣入清醪千觴酒政嚴一字枯腸攪欲問太元奇類

然玉山倒是日主賓六人各舉觴政而楊丈先醉故有是云主人勸客醉巨觥尙

嫌小丁丁滴殘漏客既醉且飽年來荒江濱寂寞歡場少

蘊懷閣詩集卷第七

一

我從海虞歸忽忽逼歲杪積雪門不開孤眠雲獨抱况逢

歲告稂粒米連城寶集澤嗷哀鴻啄桑憫黃鳥醇酒告天

公願爲蒼生禱春陽布醴澤比戶樂康保荇牡速親舊椒

精壽胡考庶幾懽會暢不用憂心悄卽今議賑米聊爾濟

饑殍握粟同涓流何以掇枯槁澆愁傾濁醪中夜意如搗

頗幸勝侶集擊鉢脫新藁敦槃附滕薛寒瘦愧郊島東風

湖上客夢逐煙螺繞潭水別汪倫青山懷謝朓美人碧雲

端相思贈芳艸歸期盼寒食鶯花猶未老重斟綠蟻杯飽

看春山曉

新正十日與耐山招同叔温靜山甘亭子履小飲分

韻得客字





簷禽啄雪孽寒劇日暮敲門接巾烏簾依病萼故遲  
遲酒入枯腸先拍拍且喜辛盤得韭芽尙儲臘味饜  
羊炙平生生意氣交勿濫要識寡尤在先擇季瑜眼底  
作阮狂叔温胷中有嵇癖子履羞爲毛遂雖甘亭笑  
却虞卿壁驚換新年呼舊侶語軟意真見肝鬲世間  
痛飲屬吾曹拚與梅仙分半席短檠燭花醉眼亂留  
擘黃柑話疇昔往夢僧樓飯後鐘浪游塵海生前履  
名園綠水久荒蕪賸有城南鶴一隻南園老梅名滄  
一隻渡鶴舞  
江風月不買錢會合休輕須愛惜君言惡歲賤丁男  
那敢酣歌事觴醪我言曠達晉高流日坐愁城復何

蘊懷閣詩集卷第七

二

益願將此酒變陽和大地回春救流瘡諸君秀句照  
江表坐此飢寒豈詩厄自古酸生一束書不敵田翁  
十斛麥驥足悲鳴鹽坂間鳳腸餓想琅玕食詩壇喚  
起故將軍怯挽強弓棄長戟忽報銜枚筆陣來夜奪  
崑侖出夸客是日甘亭似少吟興故示怯  
於人而詩先出手殊不測也一鳥先虜  
百鳥瘖莫怪東風苦催迫新詩要寫上元燈休待錫  
香與粥白諸君昨云詩成以  
寒食爲約故迫之

虞山晚發將之浙西丁明經日生昆弟招同吳茂

才卓信張明經鐸餞余於西城山墅詩以留別

十日住虞山遍訪山中友探罷招真古治梅春風挂席錢  
塘口錢塘花發江流香雲閫霧閣參差望飛鳥片帆縈客

思故人明月想容光屈指歸煌寒食節無過三旬兩旬別  
又恐行蹤預定難未免江鴻滯泥雪二丁才調擅風流攜  
酒邀朋洗客愁鐙下淺紅蘭炬剪花前大白玉醅浮分曹  
射覆惟騰沸笑譚共帶煙霞氣主人已見客顏酡只道今  
宵醉還未酒盡更闌各黯然一聲欸乃渡頭船綠蕪遠處  
漁謳起夢入西湖雨後天

過龐山湖次平望驛

一水明于鏡輕帆不暫停湖開遠山翠天入洞庭青驛樹  
花環岍漁莊鷺浴汀平分吳越秀曉氣望清冷

曉雨初霽望吳中諸山

綠蕪散宿雨翠微入遐覽湖平沙岍曲霧濃雲岫澹羣螺  
聚成團一手或可掣橋影惜半遮叢林又交掩若非朝霞  
升何時掃豔黓今曉盪春渚空青落數點蒼茫闔閭城恃  
此江山險破楚失吞越蘇臺日色慘胥江鳴咽水激怒瀝  
肝膽風聲聒耳來醉嘯發百感

鷺脰湖舟中偶成

水榭廳櫺面面通花光透出淺深紅吳江第四橋邊望春  
在濃雲細雨中

鷓鴣雙飛掠夕波蘋洲沙暖暗浮螺儂家新種湖邊柳綠  
借桑陰一半多

由鷺脰湖過爛溪塘薄暮阻雨

炊煙一縷起郵莊處處林鳩喚侶忙燈下癯顏看獨笑春



來詩夢亦生香鄰舟有伴鄉音熟溪閣誰家醉語狂聽得  
篷廳聲漸瀝攪人愁緒十分長

花舫曲

蘭舟曉盪湖心綠風花雨花斷還續別有春生水面香嬌  
紅影照鴛鴦浴吳娃十五嬌可憐越羅衫子花光鮮菱開  
花拂鬢雲亂輕寒不散螺窗煙折得花枝問誰寄花亦憐  
人解人意儂替花憐儂自憐春來又恐春歸易湖邊有客  
駐征橈詩魂似逐花魂飄春城孤負看花約愁水愁風暮  
復朝

步雲橋沽酒

小帘青颭一帆煙清若空真色味鮮

清若空酒名見武林  
遺事竹垞詩荆南豫

蘊懷閣詩集卷第七

四

北鬪新釀不比  
吾鄉清若空

醉立花陰衫落翠步虛疑是碧雲天

竹素園次陸萊臧孝廉

我蒿

題壁韻

園花疑識面笑引客來游春澗靜流碧竹風涼若秋旅情  
餘燕壘詩意落魚鉤欲覓玉泉寺重停湖上舟

玉泉寺觀魚

虛室織埃靜招提古玉泉無窮濠上樂小有水中天徑入  
雲根曲池浮塔影圓漢陰機自息隨處可忘筌

同何孝廉

枚

何茂才

正機

登吳山絕頂望錢塘江

形勝扼全越江山出霸才六鼇吹浪起萬馬射潮來虛白  
開詩界空青落酒杯老松蟠翠鬚飛上大觀臺

孤山觀梅過放鶴亭訪和靖先生墓

山腰梅花開山頂梅花落巢居閣外夕陽亭處士當年會  
放鶴蕪碑卧石磴蘿逕盤孤墳嶺頭雲接湖上雲玉光十  
丈吹氤氲此花萬古冰雪心祇許孤鶴相招尋逋仙恥作  
大隱客與爾高卧深山深舉朝不分忠與佞先生入山計  
乃定嶺上梅花似白雲孤山不作終南徑橫斜疎影記依  
稀羽斃翩躚有夢歸愧彼鐘山草堂客月明蕙帳鶴孤飛

謁岳忠武王墓

南渡朝廷小偷安棄汴京兩宮讎未復三字獄先成江表  
新遷社中原正用兵相州興義旅鄂國著威名鐵騎嘶風  
健牙旗望氣驚嚴關開戰壘細柳整軍營温嶠登壇誓劉  
琨拜表迎控鞍思敵愾握節命專征醉待黃龍酒書邀白

蘊懷閣詩集卷第七

五

馬盟一朝誅上將萬里壞長城玉弩懸空壁金牌下九閣  
地輿臣構獻天塹僞齊爭事業銷磨盡英雄生死輕丹忱  
原磊落寃案不分明此後甘銜璧憑誰共請纓枕戈無銳  
卒蹈海有遺氓化鶴魂留恨騎驢氣不平化雞潛縛虎石  
馬怒奔鯨殿上瞻旒佩階前跪裸程湖山仍秀鬱草木亦  
精誠俎豆供新奠衣冠拜舊塋棲霞嶺畔望過客淚縱橫

西湖寒食

山雲圍幕水生鱗客裏鶯花爛漫新莫折蘇堤堤畔柳絲  
煙痕似故園春

窈窕牕開鬪麗娟六銖衣薄卸吳縣香車蘇小墳前過可  
有青驄控玉鞭



樵歌隱約起郵扉墟里孤煙隔翠微日暮西冷橋畔望紙  
錢灰並紙鳶飛

智果新泉石罅流坡僊詩夢憶黃州僧雛不解談禪趣也  
試頭綱淪小甌

南屏遠近現樓臺小築茆庵舊姓雷塔影外湖霞未落月  
光已進裏湖來

瓊籠石筍瀉珠泉山墅人家小有天籬外桑田纔過雨禁  
煙時節自生煙

水面虹梁跨玉腰有人湖舫弄清簫梨花一樹香雲密殘  
雪三分夜未消

沿堤聽徹賣錫聲芳草生時客感生夕照湖心亭一角落

蘊懷閣詩集卷第七

六

紅深處暮雲平

同作

青浦 陸我嵩

吳綿初卸嫩寒天燕子風微送畫船描出六橋山似  
黛西湖今日也藏煙

白隄新綠長藤蕪前度裙腰路有無十里梨花明似  
雪殘香落遍酒家墟

腸斷西冷橋畔行碧桃瘞後野棠生蘇娘古墓無人  
掃松栢年年作雨聲

苔井新淘茗約圓細炊槐火不談禪黃州詩夢千年  
冷賸有煙迷智果泉

飢盤香過湧金門堯蘚荒原有酒痕纔喜澆山愁發

火鷓鴣啼雨水邊郵

賣杏街頭濕曉雲千家插柳話紛紛嫩條簪上吳孃

髻還比門前綠幾分

杭俗是日女人以柳梢簪于頭上

山郭嬉春未縛滕晴絲牽地點衣棱紙錢零亂隨風  
舞牽上黃妃塔一層

青袍吟倦不勝情夢到家山正聽鶯愁賦粥香餉白  
句三年客裏過清明

送吳農部頤之金華

垂老一官貧江湖作散人綠波吳下客芳艸越中春宦海  
心情拙書生面目真惟看華頂月猶夢鳳池濱

西泠署齋習射呈何觀察茂軒先生

蘊懷閣詩集卷第七

七

射圃榛蕪闢飛沙響角弓隼旗光掣電雕帳氣吞虹健鶻  
高翔翼飢鷹陡墜空一鸞開瞰月四座扇春風劍燦霜花  
白鈴排繡簇紅的看分猱豹發必中猊蹤藝共詩書習功  
須巧力充精心求貫蝨妙技陋雕蟲選士游鄉校興賢試  
澤宮賓僚爭亦讓升降禮先崇沒羽雄心托懸弧壯志同  
反求啜倖獲慎勿負初衷

于忠肅公祠

瓦剌圖南牧鑿輿竟北轅誰安明社稷再造舊乾坤慈詔  
深宮出嚴兵近甸屯貂璫除醜族龍轡逐賢籓少保經綸  
茂中朝德望尊行營推鄭畋勸駕倡劉琨赤手辰謨定丹  
衷乙夜捫夷吾賴瑕呂叔武得元咍屬幕吹笳惡蘆溝問



波喧壞雲飛破堞苦霧壓頽垣挾質軍傳箭要盟騎帶鞬  
城孤糧漸竭食少事偏煩艸檄青鏗夜封章碧血痕議和  
排眾策握算救盤根陶侃新移節桓虔外結援捷書看速  
奏歲幣不須論出塞千巖雪還宮五綵旛君王重告廟宵  
小倖邀恩懷愍前車覆徽欽信史存如何忘大辱此案忽  
輕翻待漏遲趨陛鳴鉦驟奪門元勳遭慘戮萬口痛奇冤  
偉烈輝終古高皇鑒九原石人謀暗洩金齒氣潛吞雨帝  
彫松栝山靈泣芷蓀墓田盈宿莽祠宇莫忠魂霞嶺嵐光  
合煙林野色昏平皋愁唳鶴古洞聽呼猿詞客摻蕪碣巫  
陽降夕闔西洽橋下水哀響馮潺湲

章少尹

賈蓮

陸孝廉

我嵩

同遊雲林寺用竹垞韻

蘊懷閣詩集卷第七

八

茆檐人語入翠微竹陰綠捎邨桁衣卧澗老樹壓亂石倒  
挾巖溜枝頭飛三人同行約四里冷泉亭北開僧扉到此  
一洗萬緣淨心與鷗鳥同忘機

有目須辨山色真有脚不憚陟險頻狂呼老猿猿不應洞  
有石虎貪窺人下山渴欲索米汗佛戒未破僧先嗔龕中  
彌勒拱手笑山厨已熟湖田芹

坐冷泉亭觀飛來峯口占二絕句

山亭六月秋靜聽泉聲幽吹雪落天外白雲凝不流  
竺國小靈鷲飛作湖上峯天青雲氣濕洗出金芙蓉

呼猿洞

幽篁生夕風臨澗發長嘯雲暗洞猿啼月明山鬼笑

韜光寺聯句

杖策韜光徑

大

招提別有春茶瓜聯不速

章寶蓮

鐘鉢喜相

親石氣寒侵骨

陸我嵩

雲衣翠滿身引泉蛇卧笕

大

攀磴蟻

行人何點閒停屨

寶蓮

林宗笑折巾虛巖松答籟

我嵩

破甕籜

吹薪險語矜先得

大

清游媿後塵字捫青蘚古

寶蓮

火試綠

槐新瘦鶴爭僧腊

我嵩

靈魚證佛因蓮池仍映月

大

丹室孰

修真禪境空無滓

寶蓮

天風嘯有神混茫江海合

我嵩

遠近越

甌隣讀書摩藤壁

大

題名刻翠筠窺人山鳥寂

寶蓮

送客洞

猿馴嶺北巢曾寄

我嵩

樓東夢未陳虎林歸路晚

大

倚竹幾

逡巡

寶蓮

金蓮池

蘊懷閣詩集卷第七

九

山坳數椽屋礪尸晝生陰客聽竹泉落僧知琴趣深石龍  
蟠鬱律金鯽戲浮沉妙諦拈花悟淤泥不染心

鍊丹臺觀海

石室巉巖峙仙人此鍊丹山容浮岍迴海氣入江寒紺宇  
月先到陰崖溜不乾如逢瀛島客晞髮御飛鸞

北高峯

三十六灣盡北山峯最高諸天花散雨百丈翠飛濤露氣  
侵晨冷風聲徹夜號胸中雲夢落詩思醉尤豪

署齋雨夜

落紅門巷聽滂沱潑眼春光轉眼過客裏禪心常恨少貧  
來投刺不宜多暫寬僅約成渠懶偶檢詩篇對客歌尚父



湖分婁水綠片雲南望意如何

雨中送同年倪學博傳歸青浦

雨意爲催詩聯詩得故知九峯雲水夢三載別離思琴愛  
陶元亮書成汜勝之君新輯農雅一書那堪湖上路明日又分岐

雨霽同陸萊臧出鳳山門過淨慈寺歷大小南屏  
諸勝尋遊萬峯山房訪小顛上人暮乘小舟泛清

波門登岫酒家小飲歸賦五古三十韻

文章氣太盡絃外無餘音湖山遊太數幽趣轉不深客憎  
雨阻遊待霽始愜心庸知連日雨作意留春陰吾黨抱清  
癖情如芥投鍼出郭望林岫淨無纖埃侵哇花散金纈礪  
泉漱月琴淨慈大雄殿寶座輝瓊琳左右夾玉甃翡翠抽

蘊懷閣詩集卷第七

十

雙簷春柯不着霜自生紅葉林樵擔頰盡拾餘葉銜山禽  
龍璫屏障列最高南山岑聲傳上方鐘朗颺暢蘭襟杖策  
獨秀峯禪室藏幽嶽塵榻僅容膝病僧耽苦吟殘帙堆案  
几大半蝕蠹蟬奇句壁上讀劍氣飛霜錘不辨松與栝幽  
閣環蕭慘不辨煙與霞夕照西山沉橋橫學士港一槩穿  
雲溇郭門行數武濁酒呼同斟尙未窮峻險亦足娛登臨  
君誇脚力健天馬馳駸駸芒屨太偏仄縛我苦不禁好景  
留以待異日重邀尋却恐一覽盡從此分商參要使疎間  
密興會彌滴淋我歸索枯管君勿嗤蹄涔胸中鬱嵐障作  
勢高森森卧聽漏聲滴雨意仍浸淫

大佛寺分韻得漱字

巨靈劈雲根妙相飾金鏤現出大光明共此太古壽列眉  
法航開垂耳貝葉覆泉氣鼻孔噓一瀉萬緣激惜無廣舌  
演四部義誰授又無不壞身半截類腫瘤如來億萬化不  
受形迹囿須彌納芥子真諦盍研究

### 葛林園

神仙棲隱地園以葛林名半嶺白雲落一簾芳艸生鶴餐  
花葢飽魚吸石泉清欲覓還丹訣何時鍊藥成

### 砂寶行

有引

黔地多產朱砂自馬蹄關至用沙壩十里而近自用沙壩  
至洋水熱水五十里而遙皆設砂廠洋熱之砂爲箭鏃爲  
筒子用壩之砂爲斧劈爲鏡面其麗而重者謂之砂寶見

田山蘊黔書中按黔人皆云朱砂小者如碎珠零璣大者  
至三十斤而止乙亥夏有客自黔中來浙攜砂寶約重百  
斤問其價當值兼金千餘兩遍詢浙中大吏及豪商貴公  
無有樂售者客乃廢然而返於其去也作砂寶行以贈之  
開陽砂寶若丹甌韎韐騰芒赤山孕居奇有客遠道來萬  
水千山走珠脛當其采砂入砂廠支木罍版鑿巖磴引蛇  
附蟻匍匐走膝肉苦撐石骨硬焚膏火灼山魃面磔石搏  
人索其命劈斧銛峯斫白雪勢與猱猓兩相競忽聞啣啣  
伏雌聲潛身石穴屏息聽須臾大貝開礦床溜滴鮮紅土  
花疑其膚爛然頰散霞其質瑩然朗懸鏡觀者駭爲希世  
寶質重百斤值千錠載游湖湘遇大賈半價售客客不應



遂涉九江下吳越關吏索錢客囊罄客言是寶鎮百邪獨  
稟離方火德正馬蹄關距洋熱水匏壺竹節天生定神禹  
錫貢重弩砥曷不挾之獻萬乘豈知 九重訓節儉不貴  
異物

天子聖淮海何須紀貢珠泗濱不用來浮磬况此麗然大  
如甕欲舉先憂力不稱若教碎作萬斛珠元氣渾然改其  
性我昔小字鐫茗華飛瓊頗有刀圭贈搗以玉杵碾輕塵  
和以蘭膏點埃淨火齊一粒朱孔陽麥光十丈精神迸團  
璣走盤漬露珠圖書儘足供清興珊瑚之匣翡翠床豔采  
玲瓏互輝映乃知以少爲貴者利用適宜良可證惜哉此  
客悔抱璞廢然思返夢斯醒句漏僊師餌絳雪淪落空山  
豈爲病從茲高卧擁連城甘守長鑱白木柄

蘊懷閣詩集卷第七

七

宿雲棲寺聯句

精藍矗五雲

大士

初地踐夙約駐錫梵名邨

陸我

穿篁翠環

閣孤峯壁觀撐

大士

巨瀑栢火落摩盪松鬣動

嵩我 爛斑薜皮

縛建利肇乾祐

大士

址復蓮池廓虎追林不腥

嵩我 鯨走石亂

搏虛巖鬼嘯風

大士

傑構神鼓橐經幢鐫綠文

嵩我 戒壇散朱

萼火珠忽騰焰

大士

金粟慘刻烙何無菩提灑

嵩我 陸賊恒河

涸甌甃收殘灰

大士

櫺栳啟新屢花霏前後臺

嵩我 樹蔽大小

嶠或矯如游龍

大士

歸來乎野鶴佛禽餐煙醉

嵩我 仙蜩吸霞

弱筍輿樵路停

大士

蒲薦禪房拓其藪飲而甘

嵩我 有酒快同

酌蚌膏燃熒熒

大士

鵝池敲琅珞筆塵口塵滿

嵩我 凡境靈境

鑿靜中魚頃喧大暗處欲晴爍衲嬾報更舛我僕倦抱鐺

矍諸天掃盞塊大兩客話齟喙息躬占袈裟我嵩吹籟答磬

罇戲墨啗不與大妙諦示無着永夜泉聒眠我嵩長助氣盤

磚大

### 鳳凰山懷古

汴梁官殿委埃塵建國臨江跡又陳鹿子慣眠花榭月鼠  
姑曾笑鏡臺春畫屏刻燭傳香吏繡軸題籤賜內人閒殺  
清涼老居士蹇驢湖上去來頻

鑪煙香染侍臣衣蟋蟀聲中晝漏稀海霧頻年迷雀舫山  
靈鎮日護龍旂蕊淵花落鶯新囀玉砌苔荒鶴倦飛尙有  
松風吹珮響兩宮月夜夢魂歸

### 蘊懷閣詩集卷第七

十三

### 曉發北關

密樹鳥聲噪江頭挂短篷波搖紅日裏人語綠煙中喚渡  
煩津吏持竿羨釣翁故園梅實綻香送棟花風

### 舟中書所見

小閣珠簾傍水開花深深處唱歌來阿蘭橋北採桑去木  
杓灣東買藕廻

漱金香珮曳瓏璫繡袂寒生怯晚風儂似紅蠶纔出繭嫩  
蛾飛不上珠櫳

### 秀州官舍聽雨

朝霧蔽林莽渚煙迷空濛滴葉細流黛濕花碎粘紅斜溝  
注簷溜屈曲堂坳通蛙音起四壁答響鄰牆同心訝官舍



裏乃有田家風客憩湖上權跡感陌上蓬苦吟作冰語夏  
序來寒蟲

贈秀水朱茂才

墨林

卽題其桂之樹軒詩藁

弈葉縣風雅百年存典型故園梅會里太史曝書亭春晚  
輝蘭藻秋山發桂馨蓬門無長物芸閣有遺經客翫湖邊  
月情聯水上萍榻看仲舉設權爲子猷停花管珊瑚架銀  
鐙翡翠屏紗分簾影碧衫落酒痕青十郡開詞社羣賢聚  
德星至今傳翰墨勝蹟著江汀君豈輪夷旦余真媿尹邢  
傾脂留粉本學繡羨娉婷共此煙霞氣相忘爾我形放懷  
高落落托契惜惺惺解纜歸偏速銜杯醉易醒我家婁水  
曲他日望揚舫

蘊懷閣詩集卷第七

十四

舞蛟石歌同朱

墨林  
作

太僕祠前舞蛟石怒目深爪蟠灣環雌峯飛逐精衛去壯  
者歸立蒼苔斑松雪籀字嵌琳碧土砂斲骨紅變殷翻雲  
力能撼龍窟吸浪氣欲吞鰲山鱗飛髻躍蹙萬怪躩足縮  
手不敢攀石龜石虎伏階下拳曲萃械啞病屣雷車疾馳  
風雨合遠自貝闕珠宮還奇哉石蛟何代物漏網傳說宣  
和間柳鄒趙志失載筆弁山吟錄誰能刪蛇蟠名定朱太  
史禾錄可作圖經頌荒萊僵卧尺蠖屈會須蛻骨凌煙鬢  
我來別薛訪石友拜石自幸緣非慳

構李懷古

射襄西望野煙生構李難尋舊日城軍士春秋齊脫劍美

人臺榭憤調箏山川尚有亡吳恨艸木全非報越兵若使  
鳴夷休便賜豈容蠡種立功名

羞婦冢

會稽太守  
朱買臣妻

一念當年誤終身不自由此生雖失節垂死尙知羞廢圃  
杉青古荒亭艸綠稠却嗤翁子貴浪博錦衣遊

天寧寺

漢家舊賜將軍宅宋代新開聖壽宮一綫谿雲簷際落諸  
天花雨寺門通螺青石跨莓苔上頭白僧吟竹樹中收拾  
南湖入圖畫月光波影亘長虹

月波樓

韭溪橋畔水倒影上層樓月自波心出人疑鏡裏遊鷗羣  
依畫槩蟾魄落詩鈎晚市喧停楫帘鐙夜不收

蘊懷閣詩集卷第七

十五

精嚴寺

晉代尙書宅唐時古戒壇禽銜窓竹翠龜吸井泉寒徑窈  
雲藏易檐深月上難斜環錦帶水浴碧涌香瀾

鴛鴦湖泛舟登煙雨樓

煙雨扁舟客清遊興不孤權歌今日聽詩夢昔年符十畝  
萬重樹一樓四面湖錢王登眺處名勝擅中吳

落帆亭

溪岬孤亭落照銜杉青堰水盪空嵌年來浪跡成何事纔  
卸征帆又挂帆

東湖州趙季由太守

學轍



茗雪煙波圖畫中仙曹合住水晶宮新詩重見孫莘老舊  
治仍題顏魯公過雨草分桑樹綠迴流菱照藕花紅長官  
自笑催科拙村袖民間幸不空

吳門蔣子野莘訪予於吳興郡署索題虎邱倉聖

祠圖爲賦長歌

蔣侯築祠祀倉聖昨從虎阜來吳興輿攜長卷記顛末古  
史攷信禪通徵軒皇河馬圖未授侯岡龍御占時乘其時  
粟飛鬼夜哭摩始文字易結繩譬如長夜積昧晦忽見曙  
旭扶桑升四目下炤億千載造化從此成精能靈書玉券  
闢奧庀鼻祖一脉緜雲仍三王祭川辨原委禮崇追報歌  
燭烝迺構新宮奉木主負輪爛若紅霞蒸列棟隱嶙鬱萬

蘊懷閣詩集卷第七

十六

嶠策府玉城圍層層赤虬揚華翠微曜白獸吐氣丹青騰  
不須禹窆搜秘牒三泉亭畔神其馮莫誇生公善說法終  
古頑石仍昏曹若非聖人造書契龜絲龍索誰靈承後來  
西方起象教三十六母踵事增三教源流一以貫孫子支  
派同高會斯祠落成俄十載蔣侯暇日徵詩朋山塘春曉  
魚負水鬱金香酒來蘭陵薦蘩荇潔豆登神保醉宴張  
華鏗鬱律精芒走光怪四壁蝌蚪文光凝夢吞丹篆約僊  
侶許我兜率陀天登

遊道場山

棧步縈紆境寂幽挂瓢堂外綠陰稠但聞泉響自相答不  
辨山光何處秋衆鳥歸雲銜夕照萬松飛雨落溪流果燄

法界超塵界始信茲遊是勝遊

同蔣于野

莘

吳山子

育

趙厚之

仁基

觀天寧寺唐

石幢

昔聞吳興多古蹟今見古刹多荒碑龍興光孝陳后剋天  
寧萬壽延皇釐佛幢八座斷石四經寫尊勝陀羅尼曹凌  
楷隸擅唐代結構勁正無側欹健者首數吳季良人魚畫  
簡尤超奇大中咸通歷數世某年月日堪詳稽武宗會昌  
之五載梵殿培滅無留遺西方法輪轉浩劫碑碣瘞土慘  
黑鷲庸知沉晦不數稔光明大放金琉璃峴山窪鑄滷乳  
竇當年失泐顏公詩莘老古亭子瞻記石墨久廢存其辭  
諸幢佛靈永呵護終古不受風霜欺宋家王孫趙承旨書  
體秀奪天人姿僧厨板桌三大字普覺後閣輝采恩慕臨  
魏晉運意匠唐賢築範真其師邀朋願拓幢萬紙十指不  
惜齊生眠

感興

吳興領七邑澤國土田沃衆壑滙太湖羣山亘天目薪蒸  
萃淵藪萑苻竊窳伏大吏檄書來刻期星火速緝匪戒漏  
網窮搜及崖谷雖云國法嚴毋乃政體蹙奸胥挾私憤良  
民誣考鞠林多鍛羽禽野有鈺險鹿所賴賢太守幸得剖  
冤獄歸耕五畝田惡賣三間屋

大田雜稂莠良苗傷其榮帝治聖讒殄朕師防震驚周官  
詰姦賦比閭享安平後世保甲法所重良吏行欲陳利與



樂請眠宋與明邪慝貽世患我  
皇憫蒼生雷霆卽雨露萬類資生成牧人受牛羊宜輸愛  
護情盜賊亦赤子誰與使罹刑

河朔初罷兵膏田半蕪荒二東困杼柚牽牛不服箱湖鄉  
饒水利十稔民豐康積貯非不足米價乃驟昂公然賈三  
倍百艘齎盜糧宜嚴泛海禁私販誅姦商湖邊估客船難  
還來何方停泊三四日飽逐秋風颺市門金銀氣不照窮  
黎鄉

湖田四五月勑耦勤東臬六月久不雨一雨綠萬苗我行  
過村戶田父歡相招有酒清且旨一酌傾數匏四海多哀  
鴻此間真樂郊流民卽收恤老穉猶啼號移粟不常繼何  
能免悲噉

蘊懷閣詩集卷第七

十六

至尊念民依宵旰勤憂勞誰獻鄭俠圖重續春陵謠

秋曉過鐵佛寺柬蔣子野

僧堂地僻絕逢迎古佛曇花鐵繡成約我曉來望山色知  
君詩已作秋聲隔林鳥送閒雲出過澗人披薄霧行便欲  
停舟尋下若鱸魚味美酒同傾

菱湖夜泊

一徑秋陰兩岬斜橈歌聲裏有人家漁燈影落疎螢外不  
見菱花見藕花

吳興雜咏

西塞山前小艇過綠楊影裏曬煙蓑花開易謝春歸早細

雨斜風是處多

燕語呢喃鶯語嬌踏青人過墜釵橋珊珊珮響花間動前路春情問柳條

桑陰濃綠繞圓籬煖室眠蠶四月時小滿纔交兩三日市間有客買新絲

三癸亭邊艤渡船茶槍新試杼山泉山人笑問來何處拾得松柴伴客煎

碧雲如幕月如鈎映水紅燈澹欲浮花鹿橋邊花似雪吹香風送卜蒼樓

打線絲又織手擎蘆錘旋轉製何精妾心好似叉頭線千縷柔絲百轉成

蘊藻閣詩集卷第七

十九

溪岍新田漲綠痕分秧鄰媪各攜羣昨宵金蓋山頭望屋後嵐煙起帽雲

白蘋洲在水中央六曲紅闌隔水望樓上日高人曠起做絲花拂鬢雲香

陂亭四面築迴廊學士蓮花舊有莊望月水晶宮裏坐未交秋夕已生涼

峴麓明霞斷碣橫石蒲齋署侍姬名情癡莫笑馮司李紅雨零星淚染成

季由太守同彭毓圃明府

志傑

餞予歸婁東兼訂

後遊賦詩留別

如此湖山好客歸豈不來烏程新釀酒紅葉夕陽臺振策



詩懷聳看雲別思催扁舟蒼雪水鷗鳥不驚猜

言臬雲太守

朝標

補官北上爲寫送行圖幀并題

截句

一鞭晴日送行旌四面樓臺拱碧城中有飛泉寒漱玉出  
山仍似在山清

蘊懔閣詩集卷第七

三

蘊懔閣詩集卷第七

蘊懷閣詩集卷第八

鎮洋 盛大士 子履

丙子

春日寓吳門將隨慕循咳觀察蓋爲嶺南之遊尋  
以道遠不果悵然成詩

豈不戀鄉國家居增百憂壯懷消未得遠道又生愁嶺外  
六千里江干一葉舟春吹香雪海昨夜夢羅浮

春雷乍發明晨寒甚對雪卽事

白袷嬉春早紅鑪撥火忙人情分旦暮天意合炎涼凍雀  
寒爭樹疎花瘦倚牆雷車昨夜響猶似在山陽

郎芝田齋中題其所畫山水兼觀其畫墨竹

蘊懷閣詩集卷第八

一

骨清兼氣清神古異貌古時習曰浮靡賴子闢門戶瓣香  
倪黃師正派董巨祖春園秀蘭茗秋沚老芳杜滄海紅霞  
飛青山白雲補雁橫荒江寒烏嘯涼月苦大觀造化變萬  
象一手吐蟠鱗老龍縮矯翼瘦鶴舞迢然顧我笑餘勇復  
可賈亂揮竹數竿夢落瀟湘雨

王叔畦孝廉招同郎正叔丈集學圃卽事

學圃玉山麓人稱小輞川古懷今雨共詩意畫圖傳簷樹  
棲禽穩園蔬餉客便藕花風動處香拂釣篷邊

釣篷圖  
中齋名

送瑛兒赴省試

青山江岫澹煙溥送爾輕帆漾夕陰朋輩賢愚休逞口客  
途冷暖要關心可於暇日尋遺蹟應有新篇補舊吟自量



文章知得失向人何必問升沉

閏六月晦扁舟入浙七夕歸里復自吳門往嘉禾  
尋又繞道吳興再遊武林旬日之間遍歷浙西三  
郡途中卽事率爾成詩

消磨歲月朝兼暮飄泊江湖去復還十日醉傾吳下酒此  
行飽看浙西山秋生遠樹澗聲落天入破篷雲氣環姓氏  
漫勞津吏問髣毛頓改舊時顏

含山

秀列岡巒勢秋涵松竹林嶺雲餘道氣山鳥得禪心月吐  
水中鏡泉流石上琴停舟前路問更轉一峯深

碧浪湖夜泛

蘊懷閣詩集卷第八

二

淺渚迴汀宿白鷗蘋花風起浪花浮夕陽紅入千峯樹斷  
塔青分兩岬樓野樵歌聲喧隔渚漁竿燈影落平流春來  
草色連天碧幽賞偏宜水國秋

吳山晚眺

深林遠近噪歸鴉鱗瓦參差夕照斜雲氣過江全帶濕煙  
光浮郭半成霞幽篁自落空巖翠金粟還霏上界花目極  
秋濤拍天際乘風有客泛星槎

同劉茂才

承家

小飲瑞石洞

竚窳闢靈境清虛空俗氛一尊銜落日萬笏擁歸雲鬪脊  
煙光合牆陰磴道分藤蘿叢翠裏山鳥亦呼羣

秋草四首

西風吹老碧梧枝河畔青非舊日姿野色不堪殘霧裏秋  
心况值夕陽時邊城古驛行蹤少旅館新寒客夢遲憶得  
池塘水清淺幾回吟瘦謝公詩

蒼莽郊原落葉辰短榆衰柳並愁人明妃塞北傷心淚庾  
信江南老病身鴻爪泥留溪影薄馬蹄霜入燒痕新孤燈  
夜雨他鄉客檢點青袍一愴神

擬攀蘅杜贈靈修落日平蕪滿眼愁已恨江淹會賦別况  
逢王粲又登樓長門瑤瑟停清弄故苑銀箏憶樂遊贏得  
美人遲暮感楚天哀思寄汀洲

去國王孫遠道邊天涯回首獨凄然舊時紫陌歌金縷前  
度青鸞控玉鞭倦蝶翅低猶剩粉暗螢影細不成煙莫因  
晚序悲搖落冷碧浮螺異俗妍

蘊懷閣詩集卷第八

三

雨中望湖上諸山

煙靄冥濛遠近中湖山如畫畫難工浮青淺自深中出潑  
墨濃先澹處烘水檻乍飛千澗瀑酒罍不定一帘風登臨  
有約開新霽攜得吟筒與釣筒

秋雨新霽出清波門望南屏山色

城頭初日透紅矓漱玉琤琮聒耳聞山與湖爭秋一片樹  
從雲借碧三分煙霞我輩真成癖猿鳥何時共結羣短袷  
綿輕寒意重一壺村酒未成醺

由南屏山下西北行數里入三天竺

探幽不惜路紆回僻處重逢異境開陰壑濤聲吼風雨上



方花氣逼樓臺每經古刹穿巖入別有疎鐘隔院來直北  
稽留峰頂望珠林香閣淨無埃

登天竺寺樓覽白雲中印乳竇獅子諸峯

名山竺國秀峻嶒直上煙鬟第一層泉竇拂雲飛白練雪  
龕落日澹紅鐙野猿似嘯風前竹病鶴還眠石上藤此地  
皈心依淨域便疑身是住山僧

宿海寧陳氏安瀾園夜集煙波風月亭呈觀察夫  
子二十韻

御蹕巡遊地名園海瀕傳雲山新畫本花月舊平泉舞鶴  
金題拱蟠龍

睿藻懸激潭環秀折香艸蔚叢駢元老曾休沐詞人此憩

鞭垣墉延累葉景物溯當年紅燭笙歌院青山翰墨筵庾  
樓明月夜謝聖翠微巔疊浪魚鱗細迴波鷺羽鮮柳栽彭  
澤里客憶杜陵田偶侍輜軒莅趨陪絳帳前往還借勝侶  
信宿得良緣舒嘯秋之夕凌虛渺若仙層城圍十二大界  
豁三千沙鳥風帆外蓬瀛園苑邊迷離炫銀海咫尺現壺  
天水檻挑鏡坐藜床枕石眠晶簾鈎送響綺閣幌藏煙笛  
韻來何處詩情寄渺然似隨鸞馭近清夢落星躔

登火山望海

天門激浪入青冥一柱高懸勢建瓴日脚虹光吞雁跡峰  
尖蜃氣走龍腥嵯峨石塹排雙闕擁護方輿仗百靈沿海

築塘歌

帝力東南列郡樂激淳

曉渡錢塘江入蕭山界泊舟臨浦訪何孝廉 枚

林表透晨曦扁舟下石磯不知溪岨路遙指酒家旗天遠  
碧如洗江空山欲飛素心堪晤語爲叩白雲扉

臨浦夜發明晨抵諸暨縣南關外登岨肩輿入山

暮達宣何嶺

篷牕落星河光露月鈎缺輕裝一葦杭百里去如瞥晨指  
暨陽城衆山秀羅列急覓籃輿行無愁屐齒折窮追溪之  
源深入雲之穴前岡屬俊嶺近晤倏遠別煙痕烘頰霞密  
聚萬花纈一罇窈而深百衲綻欲裂枯藤潛蚪蟠腐蘚餓  
鼠齧深山寂萬慮盛暑不知熱况延秋籟爽屛顏削高潔  
徑仄平亦頗石峭凹仍凸嶺樹青接天半被白雲截撥雲  
下巖梯幽境詫奇絕

自宣何嶺而南入金華義烏縣界過義門至楂林

市萬山紅樹如入畫圖

一峯高插霄萬笏恣鬪險陟亭老松卧磴道叢竹掩欽崑  
古綢巖石齒簇千點飛泉義門橋衆壑聚激激人語喧楂  
林厓背列屋丁秋意澹更濃到處霜華染丹青李將軍毋  
乃虛名忝行行翠微近隱隱青帘颭山果雜橡栗甘苦任  
客檢濁醪一大斗壯遊吾何懶

過義渡亭入東陽界望東西兩崑峰暨摘星尖勒

馬峰諸勝



振策山之陽古亭問義渡上有千株松鱗鬚突而怒下有  
百丈潭僕夫窘其步中藏太古雪外翳匝月霧前程詣東  
陽廬舍審指顧長垣霞光蒸斷塔暝色赴對峙兩覓嶺觚  
稜峭盤互雁跡撩客愁虎氣逼人怖股慄足不前樵叟導  
前路仍防衆魑迷乞仗山靈護豁然徑竇開犖确萬峰露  
歷險始履坦了然夢初寤

石甌山下尋鮑令巖入白雲洞

甌山亘峴西古巖誌鮑令霞城三十丈日華四壁映白雲  
棲其隅邃壑洞如鏡天漿衆溜寒玉女一盆淨林柯灑丹  
砂煙鬟綉明靚苦篠吸露甘柔黃借風勁投林鳥呼羣廻  
翔適其性絕憐行役者風塵憊且病何當築一廬誅茆晦  
名姓幽事悅俯仰永息萬物競

蘊懷閣詩集卷第八

六

進東陽瞻婺門憩法界寺

城隅四面山夕氣西更爽通衢列闔闐百步紺宇做錫名  
宋乾符福地愜幽賞洪鐘鏗萬鈞發吼走罔兩銘字暈朱  
碧點畫畧可做客從萬山中來就煙花養翠屏拱而立綠  
雲引而上露重苔沐髮風惡蕉覆掌何圖屢肆間異境隔  
塵壤空潭印初月此中發真想

東陽道中雜詠

義門南去路灣環兩峴峰尖翠可攀不辨泉聲與松籟風  
吹仙珮落人間

縹緲樓臺遠近中石梯層級跨飛虹夕陽已瞰西山背嶺

照東山一角紅

甌陽雲洞石空嵌古碣會題太傅巖日暮松梢晴忽雨倒  
飛泉溜濕青衫

隱隱軒韶奏洞庭澗溪鏘玉靜堪聽風流坡老今誰繼莫  
漫題詩水樂亭

勒馬峰邊石筍廊舊時羅隱讀書堂招魂倘許離騷續薛  
荔牆荒艸尙香

喬家別業孔山巔廢址難尋舊日園路轉溪灣最深處五  
更落月有啼猿

烏柏霜紅冷艷新雙溪秋水綠于春柴扉野老扶筇立絕  
似癡翁畫裏人

蘊懷閣詩集卷第八

七

村戶家家射鹿麋兒童竹杖競相持忽聞人語出林際獵  
得一雙玉面狸

笙竹村連紫竹村萬叢寒碧繞柴門爲澆酒渴停車坐漸  
見山腰霧色昏

層峰窈窕白雲隈圖畫天然四面開莫笑閒蹤如野鶴此  
行特爲看山來

東東陽明府程朗岑同年璋

吏隱蕭閒早放衙深山廛市靜無譁琴堂松竹澗明宅花  
縣蓬蒿仲蔚家野老多情獻春酒故人有夢話秋霞盤飧  
留客平原醉自剪園松雨後芽

同程少尹潮出郊尋山至盧宅邨暮進東城遊新



安寺

山城出雲歷山阜雲狀如山負山走山中人從雲脚行萬  
朶青蓮落吾手亂踏擎確足重繭剪蔓攀藤搗其藪前山  
後山屹聳肩十步九步屢回首叢青深處砥道坦獲刈稌  
黍積隴畝盧氏村民聚族居亦服爾耕十千耦懷莘東麓  
名臣祠喬木先朝子孫守我思古人百年後空滴重泉一  
杯酒放眼且看青山青塵海浮雲渺何有精藍禪語證前  
因落日平林變昏黜空山獨往亦快意何況更得看山友  
三生舊締石交深一寸新積詩篇厚

玉笥方塘歌弔故明尚書張公國維

方塘流水鳴潺潺子規啼月愁空山孤臣願爲袁粲死血  
濺方塘塘上水朝辭天台行暮宿方塘口長星隕地大如  
斗玉笥高歌詩數首河山破碎朝廷小半壁東南嘆誰保  
舟中天子海上國公闕東顧詔來越東逐鹿乃在蕭牆中  
君不見爝火螢光細如線燼後寒灰勢難煽徵兵助餉徒  
勞勞議守不足遑議戰斷頭恥作降將軍汗青照得丹心  
見桃巖峰暮色殷勒馬峰苔花斑忠魂一去不復還至今  
子規啼月愁空山惟聞方塘之水流潺潺

東白山少霞洞

絕壁凌青靄千層路屈盤風聲走羣木山氣逼新寒金粟  
丹霞室琪花白玉壇當年鹿皮子窟宿禎人寬

龍井崗

掛鐘巖畔石四面白雲封有樹必巢鶴非松亦化龍琅玕  
削叢篠琴筑漱飛淙邃室藏經處真靈此駐蹤

孔山

繞屋碧雲合環城紫氣涵重岡亘西北積石鎮東南雁落  
溪中峽虹收霽後嵐喬園薤蔓艸秋月冷枯潭

上方院

琳宮舍利放圓光梵磬聲徹上方絕頂雲容廻紫靄九  
秋山氣入青蒼松根蘚滑時流液貝葉花深不礙霜小築  
庵西亭一角煮茶吸得井泉香

東陽暑齋論畫歌東韓起潮

客從東陽山上遊畫成山齋九月天風秋客從東陽溪上

蘊懷閣詩集卷第八

九

宿畫作溪流百折紆而曲歷觀古時名畫手腕下煙雲筆  
端走不求範水與模山根柢盤深氣醇厚太空有色購羣  
象元氣返虛涵萬有韓君吳會負才名花卉南田妙寫生  
近愛溪山好邱壑欲以畫筆傳詩情東陽邂逅權會暢高  
設四座爲之驚緬昔畫家別支派宋元南北分疆界

國初諸老歸南宗吾州健者廉州翁繼以煙客傳司農海  
嶼石谷子意匠開神通西亭老人近甜熟效顰豈肖西施  
工後來作者襲其似餘子紛紛何足齒那知耕煙之派本  
自婁東傳染香庵中日坐嘯浸灌古液搜真筌風骨乃化  
爲神僊比聞浙中畫標格追前賢鐵生粉本漸零落太常  
絳帳猶高懸奚鐵生岡已歸道山馬秋  
藥太常近主敷文講席其餘後先各繼美



藝苑聲華爭鵲起，昨宵醉月吳寧臺。霜林艷奪山花開，畫  
工有筆不能繪。但見浮嵐涵碧空，中來韓君倩我尋脫藁。  
醉後揮毫太艸艸，萬事浮雲類畫圖。登臨此際開懷抱，君  
不見吳門有客來東陽。畫水畫山日日忙，不知鴻爪他鄉  
滯。畫筆同誰論短長。

九日登吳寧臺

萬壑鬱青蒼，迢遙接大荒。鄉關一千里，風雨又重陽。高會  
故人共，酒尊情話長。東西雙峴嶺，篁翠襲衣涼。

自東陽往金華郡城留別程明府兼柬諸同人

衰柳不堪折，黃花空復妍。晚風沉笛響，離思繞琴絃。路覓  
雙溪渡，詩吟八詠篇。愁看餽山月，清影照嬋娟。

蘊憐閣詩集卷第八

十

登金華山芙蓉峰絕頂

浙東名勝甲天下，江山清峭推金華。浮螺四壁列屏幙，峯  
巔突露青哈呀。赤松智者二洞水，蜿蜒赴壑縈修蛇。北行  
緣澗關，異境怪石疊竦環。闔如搏如鬪，如拱揖左提右  
抱。紛騰拏奔濤，萬馬不得渡。其中橫石爲浮槎，虹梁瀉溜  
一千丈。倒吸雨氣浮青霞，半天霞飛半嵐雨。噴涌雪練茫  
無涯，中峯一綫繚虛白玉繩。不動銀河斜滿山，瑤艸散狼  
藉。化作萬朶青蓮花，天台飛出華頂月。秋風香飯炊胡麻，  
素女明粧列窈窕。曲房羅帳寒紅紗，我身甫入碧雲際。我  
夢已落仙人家，試尋山樵結廬處。霜林秋老啼昏鴉，陂陀  
劃開巨靈掌。雙龍穿竇廻平沙，長松颺颺撼絕壑。山南山

北陰雲遮

赤松山放歌

曉發金華城直上北山頂北山高嵯峨萬象豁虛迴螺鬢  
媚娟雨新沐搖蕩空青入遠目叢篁宿霧烘日光爛若丹  
房挂紫玉赤鱗老松走攫拏吞吐百丈天台霞碧桃萬片  
大于掌香塵撲地輕于紗金光瑤艸遠在縹緲際唯見修  
藤古蔓紛其掩冉而鬚髻菊經秋而披秀蘭當春而吐芽  
感艸木之榮落惜人間之歲華綏山有桃鍾山有李仙人  
之容綽約處子當年山中牧兒真不死亂石何爲叱不起  
雲中鷄犬皆昇仙羣羊僵卧絕可憐鴻迴翔乎千里鳳嶺  
紛乎九天羗延佇兮四顧杳璿臺之翩翩人生行樂須及  
早唯有青山長不老赤松山中雲去來赤松山下石崔巍  
浩歌不見赤松子攜酒獨酌流霞杯願爲山中雲毋爲山  
下石雲歸收氣遊太虛石泐飛沙慘寒月

登元暢樓

卽八詠樓梁太守沈約題詩處

飛蕩勢壓翠鬢歆高阜巢雲結構奇羽士慣騎千歲鶴山  
靈自愛六朝詩南來嵐氣開丹嶂西去溪流漾綠湄旅客  
愁腸最淒絕霜天聞得角聲吹

金華道中打虎歌

猿臂將軍挾飛鏃左射豺狼右麋鹿有虎來從武義山窟  
入金華踞西麓村人逐虎持杖走倏忽數人落虎口餘者  
垂斃慘呼痛或傷其股或斷肘吏胥奔命報將軍將軍躡



馬城上闌城頭鬣鬣擊金鼓帳下材官猛於虎礮聲雷轟  
焰蔽天虎與烈焰相周旋以火攻虎虎不窘虎笑將軍力  
已盡將軍曰吁虎何愚燎原一炬斃者枯虎從何處藏其  
軀一箭射虎虎傷脛帶箭虎來索人命袖中抽出殺虎刀  
迎刀虎氣何咆哮白光一道淬霜鏑虎背刀飛虎頭落獵  
戶喧呼昇虎歸觀者猶懾死虎威鬣毛半黃腹大赤斑爛  
閃電流光輝華鐙高張酒浮綠徧召裨官啖虎肉醉卧金  
華城上頭猶聞虎嘯風颼颼醒來月上東山陬沒鏃飲羽  
石虎愁男兒如此亦快意何用萬里求封侯

金華旅夜

溪閣鐙殘酒半醺簾波風動細生紋客心已落蘭江水猶

蕙憐閣詩集卷第八

七

夢梅花洞裏雲

蘭溪舟中偶成

溪岼山雲接水雲鷺鷥沙際自成羣越船夜傍前溪宿水

綠蘋花帶麝薰

壓髻花枝照水鮮船家嫂妹喚同年

江山船坐客呼舟人  
妻曰同年嫂妹曰同

年紅鐙勸客深宵醉桐子山頭月正圓

嚴州道中

雲中高搶鎮東關郭外林巒擁髻鬟五兩風吹舟一葉落  
霞飛過富春山

舟進七里瀧過嚴子陵釣臺醉中作歌

生不得見天下奇山水使我胸中鬱塞磊落之氣無由開

今日扁舟逸興獨清發仰視江天一碧秋光萬頃空中來  
山不必褒斜閣道高插霄水不必龍湫億丈深無底嚴陵  
之瀨祇七里幽峭清激有如此兩崖對抱雙玉龍溪門一  
綫浮空濛峰尖倒從澗底矗水氣上與青天通疎林紅日  
掃煙霧輕帆飽挂山頭風山蒼莽以結翠風飄颻而延涼  
白露初降落葉半黃把酒獨酌慨當以慷羊裘客釣半江  
雨此地青山足千古一星自照荒臺寒萬壑雲深不知處  
雲羃羃兮石峩峩若有人兮山之阿恍惚兮延眺心悵惘  
而咨嗟金觴酌兮朱顏酡吟綠雲兮餐紫霞江天吹水入  
空去更欲揚帆采石華

嚴陵釣臺弔宋參軍謝皋羽

蘊懷閣詩集卷第八

三

擊碎竹如意巫咸下九閨青楓落寒月朱鳥泣孤魂燐火  
清秋夜江山碧血痕墓門無雜樹薇蕨首陽存

韓蘄王將臺

臨安鼙鼓陣雲開大將黃天蕩口來百戰中原爭半壁一  
江落日照孤臺清秋碧草埋荒鏃終古青山老異才獨對  
蹇驢湖上月英雄髀肉不勝哀

一櫂

一櫂嚴陵瀨輕風送客歸溪門飛月鏡石脚碎雲衣斷峽  
灘聲惡空山樹影稀幽人棲隱處薄霧菴林扉

桐廬月夜

道泉聲沸一江秋影長桐君渺何在松子自生香樵路



沿溪覓漁梁，隔岼望清輝。千里映寒碧，落飛艘。

富陽

越角吳根地，帆檣遠近通。客心飛鳥外，秋意亂山中。碧浸江關月，寒生塔頂風。篷牕清夢醒，手剔燭花紅。

舟過富春江至錢塘

柔艣聲中唱竹枝，富春江水流澄漪。自呼明月持杯勸，未免青山笑客癡。荻浦花疎鄉思起，蘋洲霜冷夢魂知。浪遊太息無長策，載得扁舟一卷詩。

江行口占

六和埵下尋詩去，七里瀧邊放櫂還。明月錢塘江上水，清光長照富春山。

蘊憐閣詩集卷第八

七

閒雲心跡水鷗知，客館吳寧夜鬪詩。紅雪門前烏柏樹，醉吟羨殺呂徽之。

謂陽湖呂君榮慶館于東陽官署

帘燈何處酒家扉，水國霜寒稻蟹肥。擬泛西湖補重九，蘭溪新買菊花歸。

金鼓洞訪巢雲道人

伐石曾聞金鼓鳴，燒丹羽士學長生。焚香一室古懽暢，落葉半山道氣清。幽洞僊禽時喚侶，亂厓奇樹不知名。瓊箱飽讀羣真牒，更羨琳編手輯成。

道人近輯金鼓洞志八卷

登韜光寺煉丹臺觀海借璵兒聯句限九屑韻

溟留築精廬，子履高壓界危呂。廣巖額翦霞，璵兒仄磴壁剗雪。題肖峒岫，履巢溝枕屹嶮。客攜雙鳧青，璵眼眩萬花顛。

叢條灑頰砂履 虬幹撐古鐵篋或篋筌橫璵 蘇訝蠖蚺齧

初桃引而升履 半扉設常閉敲竹喧吠龙璵 捫碑跨跛鼈

東驚佛面頰履 病齲僧齒缺筦埽經旛塵璵 泉沁甃井漑

呪蓮蓮湧金履 飼魚魚出穴其旁有石龍璵 噓氣吸瓊蛭

崇臺矗干仞履 疊巘紆百折偃去丹竈摧璵 鶴守洞門鑰

天風忽吹雲履 海壖倏騰蜺望屨市蛟宮璵 架彤梁紫檢

水夷鼓碎碣履 鯨童舞蹙旆旆旆旆璵 笈簪筠筍簞

殞紘幻百怪履 形勝控兩浙茲峯靈鷲近璵 上界塵堞絕

撼撼枯籜墮履 娑娑寒翠擷拄杖憩松寮璵 促席觀竹篾

床供管生坐履 茗恣盧仝啜喜叩無量音璵 巧運廣長舌

聖火虛簷微履 羲晷遠崦嵫嶺北暢斯遊璵 和南此焉別

蘊懷閣詩集卷第八 十五

須避渴虎威履 惡拽瘖馬絕林駢眾鴉噪璵 梯嶮一奚跌

湖隄艤舫舫履 霜飈冒颯颯夜歸翦蟲蠟璵 詩夢亘巖嶮

食蝗聯句

嘉味江鄉擅登鋼配蛤鹹水田資土液子履 冰殼蛻晶瑊磨

銚埋三寸封泥滄一函肥時胥入簞微璵 探處不揚帆脂誤

魚腸刮津分鴨嘴鵠酪羹調甫熟履璵 腰鼓聽初摻指動沾

沾喜漚流滴滴饒孕胎全混沌璵 剖腹露空嵌滂積教頰

澣腥多恰愛鹹畧宜薑屑灑履璵 詎費粟薪炊侑醴傾微醺

含漿洗古械咀噉唇帶膩璵 捋搗口遲銜滑恐難留筋痕

防易浣衫盛盤憐輒薄履 對案話詁誦潔待鶩催慨貪思



鼎戒讒性寒能療渴與齒決冀寬監賦物言徵典搜枯語

笑僂馬刀工比象履鰕菜並超凡問價廉爭買攜筐餉密

緘嚴龜翻舊譜與小技愧雕鏤履

楊教授蘋香同年于高招集杭州學署觀南宋光

堯石經歸同瓊兒分體賦詩東蘋香兼寄范學博

懋裕

校書不登天祿閣弁陋難免經生嘲墜簡編餽蟬蝨腐  
儒臆見爭喧呶楊侯便便孝先腹卓識力剖羣言滄范叔  
才高邁屈宋廣文一官同繫匏元亨坐擁城萬堞問字有  
客蓬扉敲天門狽翼閃華電凡鳥不敢窺其巢我來夢遊  
羣玉府旃旄眼眩翠鳳苞招觀光堯宋石刻兩廡巒序撐

蘊懷閣詩集卷第八

七

高嶠霜藤蟠青匿鼯鼠雨網罨綠牽蠨蛸蠕蠕動猱攫  
走鼻肩伏聽蒲牢哮細剗封苔剔積蘚毋使過眼嗤虛拋  
當年臨安支半壁坎險震難屯蒙交中興堂構議憲典繇  
叢艸昧營檜樸乍試師干輒偃武厭聽鼓鐸喧鉦鏡帝曰  
汝激奉朕旨經腴饜飮羅珍肴詔勒琳珉餉藝苑蓬心朕  
欲閒其茅諸生誦肄守程課不率教者移之郊遂開辟雍  
蔚髦俊奪漢儒席平謹誦六經孔孟燭星斗列聖統緒乾  
坤包麟編育左史筆重禮解小戴博士教從此園橋式經  
訓多士願筮連茹爰惜侈太平作粉飾義旗河洛韜弓殖  
江心寒嘲咽桴鼓陣雲冷鑱蛾眉妓不聞留侯訪黃石但  
見亞父歸居鄴北兵天塹竟飛渡九泥何處封秦峭勒石

燕然事虛杳南風不競休登輶有人太學具章奏叩頭慟  
哭趨螭坳轉笑書生妄持議敗乃公事迂而膠倉皇航海  
冕危石六龍波撼鼉鼉蛟覆舟砥柱歷浩劫萬卷電激遭  
風颳江陵文武道消歇巖關鐵騎揚飛鶻禿支僕谷相輪  
動戰袍血濺紅旂旃汴梁銅駝萎荆棘滿朝肉食盡斗筲  
滄海桑田變陵谷陳迹夢幻水散泡西番妖僧大肆毒鑿  
山鏹石殊怙然冬青花哭唐義土荒陵石馬嘶陰廳冤海  
難填精衛石宮衣慘碧珠流鮫殘碣倒仆雜瓦礫築削恣  
意施斤鉋申屠苦口得救挽偉論千古傳誓誓爾來七百  
幾十載神鬼呵護完礪礪諸崑岡炎火熾不與玉石同  
焚炮建立書院度書庫收拾碎壁磨砂顛排廊碑片八十

六拂拭字跡苔紋鏤遠證鴻都近陝蜀讎勘點畫齊傳鈔  
當今文士競嗜古倚掇墳籍相誇設洪氏隸釋趙氏錄修  
緱遠汲舉長筴炫奇爬羅傲李涿辨難往復窮尸俊一字  
三字審同異迫窘詰屈儒林譏嘉祐舊柔湖南仲斷磚埋  
沒心增恚靈光歸然獨存此何異球石珍鄴鄙春芹香濃  
藻水綠飛鴉集木音咬咬釋奠春官數羽籥翩其來舞蹇  
紅袍花外朱輪倚藤壁輕驄煙柳籠鞭鞘揚摹萬本貯經  
筒銀籤繡軸穿蘭髻楊侯飽浸古液厚金炊玉饌傾天庖  
鈞墩廣樂洗俗耳剽棧戛籟調笙簧武林聯襖縱譚劇憐  
我耕硯田多磽蔚宗石交締岑契鷄鳴風雨聲嗶嗶羨君  
高享吏隱樂快酌婪尾浮大鵬提槩邀客古懽暢醉看弓



月升林梢

盤溪歸釣園歌爲凌樞部

鳴階作有引

樞部字覺甫一字泊齋湖州烏程人嘉慶壬戌進士與余同膺庚申鄉薦居官有政聲會上疏極陳馬政之弊請旨清理列具規條

天子重其言

特諭酌議施行後因病歸里杜門著述其家在吳興盤溪之晟舍疏泉通澗結宇依巖極幽棲之勝丙子仲冬相晤於杭州學署之石經屋贈余以所訂太白山人集練溪詩文集并出歸釣園索題長歌時先生匆匆解維卽席話別爲賦此詩以餞其行

蘊憐閣詩集卷第八

六

金門大隱青雲客胸貯賈生董生策解綬歸來理釣竿紅拂珊瑚樹千尺盤溪之水清且幽田田蓮葉波心浮杜陵艸堂浣花里舍南舍北來羣鷗許身自比稷與契豈爲尊鱸卧泉石補衮平生一片心付與青山照明月盤溪溪口漁家船一簑秋雨一笠煙盤溪溪畔漁家屋邁軸有人癖歌宿道場山色連何山山扉突露青灣環碧雲迢迢天際望夢迴青瑣趨朝班吹簫樓上山人去挂瓢堂外斜陽樹多少漁磯垂釣人孤負湖山最佳處先生身寄江湖中抱此磊落魁奇胸醉後高歌出金石夜半鐙火光猶紅扁舟一葉盤溪水人道仙人郭與李田園未蕪歸去來黃花競向霜前開送君歸盤溪溪水涵平蕪詩從盤溪尋酒向盤

溪沾披君盤溪歸釣之畫圖羨君真是神仙徒世上乃有此等神仙徒我願浮家泛宅與君持竿日日長相俱

萬峯山房贈小顛上人

每恨見公遲才名我舊知澆胸百壺酒埋骨一龕詩

顛師不受

米汁戒筵日酣飲狂歌所著有法喜集

蔬筍空禪君煙霞入遠思醉吟碧山

暮清韻落松枝

湖州趙季由太守署中晤張椒卿時余將之京師

去年別君虞山麓幽鳥一聲動春綠今年逢君茗水濱昏鴉萬樹啼寒雲孤燈夜雨扁舟客楓岫蘆汀氣蕭瑟那堪會面訴離愁况復相逢又相別明年花發長安路明日江干從此去今宵置酒愛山臺太守醉賞梅花開問君匣中藏古劍何時鐵冶重磨鍊龍泉顏色吐霜花會見精芒閃飛電燕臺嘯月立蒼茫飛夢吳山越水旁落英紅飄碧雲暮願君隨時愛景光

十二月十九日汪厚夫侍御耐山司馬招同楊叔

溫畢季瑜彭甘亭徐秋士孝廉

元潤

集趣園作東

坡生日分得七言古體一首

坡仙謫官渡南海紹聖越今七百載嶺外留傳丙子詩青山無恙風流在僧臘逢公覽揆辰心香一炷詩情待頻年笠屐湖山遊尋公遺蹟常勾留參寥試泉識智果水樂題詩憶子由今年歲又逢丙子半載看山一千里夢中恍聽公談詩飛雨浙東半江水江梅花發客歸來趣園高會賓



筵開華堂張鐙將進酒紅荔黃柑爲公侑一杯菱尾江南  
春祝公永享名山壽千秋古誼結古懽曠世詩仙締詩友  
憶昨征帆過茗書愛山六客今得九一門再見眉山風會  
合賓朋無俗偶年年每遇公生日祇願同儕聚同室年年  
願值公生辰引我詩境開清新酒盡深宵剪紅燭尊前重  
把坡詩讀

白題煙溥雲嶠圖

寂寞謝塵事經旬晝掩關忽披胸鬱塞縱筆寫溪山煙靄  
迷青嶂雲容壓翠鬟石坡松鬣動有客採芝還

子履孝廉以所作畫卷屬題爲書二截句於後

彭兆蓀

蘊懷閣詩集卷第八

三

香溪洗筆寫嵐顏人在宗支伯仲間十丈軟紅蘊不

得袖中詩本畫中山

時將  
北上

平生夢繞玉孱顏那得巢雲屋數間曾證永嘉公案

否不妨見道并忘山



